

灌縣志卷十七

紀第三

故實紀 軍事 民事

為政之道不外安民致政以文而戡亂以武其大較也治國如是治邑亦然  
蓋國者邑之所積範圍有廣狹而區處無異伺因地因時總歸寧謐陳蹟具  
在豈容任其湮滅哉夫前事不忘後事之師也取譬伐柯其則不遠是為龜  
鑑法戒所資爰著於篇以彰實錄

昔魯有四封而盜不可詰萑苻小醜竟煩徒兵寬猛失宜賞罰倒置養癰遺  
患職此之由徒法不行非一世矣政變以來抑又加甚狐狸縱橫豺狼當道  
殺人越貨視為故常而黨羽多者時被招撫無惑乎盜日滋而亂日長也抱  
薪救火欲其不燎原奚可得哉灌地僻處西陲容易伏莽深山大澤實生龍  
蛇當局若能防於未然斯輟耕者無不平之鳴倚門者無不情之嘯禍患或

灌縣志

卷十七 故實記

一

幾乎息矣茲述兵事而以懲盜附之

周慎靚王五年秦伐蜀滅之以公子通為蜀侯旋置蜀郡史記秦本紀按灌即郡之  
西境也

漢元鼎六年平南夷置牂牁郡西夷冉駹之屬皆振恐請臣置吏乃以冉駹

為汶山郡按汶山郡今茂縣汶川縣皆其地灌西北並與茂汶接壤史記漢書廣輿記

蜀漢延熙十年汶山汶同平康夷反姜維往討破平之蜀志按蜀以緜虜為汶山

郡跨今縣境

魏咸熙四年軍士王富有罪逃匿結刑徒數百自稱諸葛都護起臨邛轉擾  
江源江源方略使李高閩術縛富送州刺史童策斬之初諸葛瞻與鄧艾戰  
於綿竹時身死失喪瞻親兵言富貌似瞻故假之華陽國志

晉太始八年益州刺史皇甫宴討叛羌至都安屯觀坂從事何旅曰地名觀

坂自上觀下反上之象其徵不祥後果爲牙門將張宏所殺

晉元康元年詔徵益州刺史趙厥爲大長秋以內史耿騰爲刺史厥陰懷異計殺傳詔使者騰欲入州城功曹陳恂諫謂不如安住少城以觀其變不爾可西度江原以防非常騰不從敗死厥自稱大將軍益州牧以江原令健爲費遠等爲長史永寧元年李特襲厥費遠等委厥走華陽國志

晉永康元年惠帝遣羅尙爲平西將軍益州刺史冬十月郡流人推李特爲鎮北將軍承制封拜進攻成都尙頻爲特敗乃阻長圍緣水作營自都安至犍爲七百里與特相持蜀錄晉書

晉太安二年春正月朔特攻尙水上軍從益底渡其黨徒從赤水渡入郫及水西南沿江水兵皆散走華陽國志

晉太安二年夏六月李雄從羊頹江殺汶山太守陳圖據郫城華陽國志時雄攻

### 灌縣志

#### 卷十七 故實記

二

尙軍尙保大城雄渡江害陳圖遂入郫流徙營據之三蜀百姓保險結塢城邑皆空流無所掠士卒饑困涪陵人范長生率千餘家依青城山尙參軍涪陵徐輿求爲汶山太守尙不許輿怨之求使江西遂降流說長生資流軍糧長生從之流軍復振晉書載記

晉永寧元年春三月汶山羌反於都安之天拭山遣王敦討之殺數千人大沒女弱爲生口敦單馳入爲羌所殺華陽國志

唐貞觀十年分天下爲十道置折衝府蜀州唐安郡三金堰廣隆灌口通鑑新唐書

唐貞觀十七年西川節度使章皋令鎮靜軍使陳洎等統兵萬人出三奇路地理志皆設府兵

在今威戎軍使崔堯臣兵千人出龍溪今汶川尤溪石門路代吐番自八月出軍至十月諸路皆捷進攻維州破吐番援兵舊唐書章皋記

唐永貞元年劉闢阻兵以高崇文充左神策行營節度使討之八戰皆捷師無留行闢西走吐番崇文遣高霞寓酈定進倍道追之羊灌田及焉闢投岷江禽於涌湍中檻送京師伏誅舊唐書

唐中和三年錄異記作晉原夏六月蜀州錄異記作晉原互詳政績紀賊韓求反攻陷青城鎮退使柳君

慶領所部救之戰於陶壩鎮為求所害求與邛州賊阡能合勢愈熾牙將楊

行遷與戰不利陳敬瑄以高仁厚為都招討指揮使討之求敗赴水死通鑑新唐書

唐文德元年王建攻彭州陳敬瑄救之解還遂大掠西川十二州皆被其患

唐書方鎮表

宋乾德三年四月蜀兵作亂推全師雄為帥號興國軍成都十縣皆應之師雄開府置僚分據灌口導江邨新繁等縣崔彥進與張萬友高彥暉田欽祚同討之為師雄所敗彥暉戰死又遣張延翰等擊之不利會劉延讓曹彬破

### 灌縣志

#### 卷十七 故實記

三

師雄於新繁俘萬餘師雄還保郫王全斌仁瞻又破之走保灌口皆餘黨散

保州縣宋史王全斌傳

高彥暉為歸州路先鋒都指揮使師雄之亂崔彥進遣與田欽祚討之至導

江遇賊賊據險設伏箐中官軍不利日暮請收兵欽祚慮賊曳後給彥暉曰

公食厚祿遇賊退縮何也彥暉進兵欽祚潛遁彥暉與十餘騎力戰死宋史高彥暉傳

已而師雄兵敗走金堂病死兩川復平十國春秋

宋乾德間詔蜀諸郡各置克寧軍五百人克寧軍有馬軍步軍廂軍皆留州

者宋史

宋淳化四年永康軍青城縣民王小波聚徒為寇殺眉州彭山令齊元振冬

十二月辛丑大雨雪西川都巡檢使張玘與王小波戰於江源縣死之小波

中流矢死衆推其黨李順繼之宋史帝紀

王小波爲亂謂衆曰吾疾貧富不均爲汝均之附者遂衆陷青城縣掠彭山殺其令齊元振巡檢使張玘與鬪於江源縣射小波中額病創死亦玘被殺

宋史樊知古傳擾攘數年始靖

宋淳化中廣武叛卒劉吁嘯聚數千人略漢蜀邛州懷安永康軍西川招安

使上官正與鈐轄馬知節領兵趨新漢抵方井鎮擊敗之斬吁平其黨

宋史上官正傳

元世祖至元二十一年從四川行省議除沿邊重地分軍鎮守餘軍一萬人命官於成都諸處擇膏腴地立屯開耕成都等路軍屯置於崇慶州義興鄉楠木園河東陝西等路軍屯置於灌州之青城陶壩及崇慶之大柵鎮等處廣安等處軍屯置於崇慶之七寶壩保寧軍屯置於晉原縣之金馬五路軍屯置於崇慶大柵鎮孝感鄉及灌州青城之懷仁鄉興元金州等處軍屯置於晉原縣孝感鄉舊附等軍屯置於灌州青城縣崇慶州等處順慶軍屯置

## 灌縣志

卷十七 故實記 四

於晉原縣義興鄉江源縣將軍橋平陽軍屯置於灌州青城崇慶州大柵頭

嘉定軍屯置於崇慶州青城等處

元史兵志

明洪武四年六月廖永忠湯和至重慶明昇降七月傅友德克成都分兵會

朱亮祖徇未下州縣

蜀故

明正德七年漢中賊廖麻子喻思俸內江賊駱松祥崇慶賊范元藻等分劫州縣衆號二十萬總制尙書洪鐘分剿踰年不能定以右都御史彭澤代之

八年平廖麻子駱松祥九年平范元藻四川羣恣悉定

明史紀事

明崇禎末太安寺僧了空鑑隨者不知誰氏子張獻忠擾青城合謀舉義率徒侶及鄉人扼險禦賊賊莫越用密謀出溝壑焚其寺二僧聞警轉鬪不利

觸崖死鄉人稱其溝曰偷營溝崖曰禪師崖云

蜀破鏡蜀碧

明崇禎十七年獻賊陷蜀浙江監生趙家焯令郫縣賊圍城濠澗成都知府

龍文光令決都江堰以益之水甫至城陷嘉煒還遇賊射之赴水死一說是年八月龍文光飛檄郫縣尉趙嘉煒決永康都江堰益壕灌賊賊尾至堰所脅嘉煒降不詘因射死沉其屍於江蜀破鏡蜀碧獻城至河西石羊場時關帝廟方演劇觀者甚衆皆被戮今萬人墳在焉詳五

輿地書

清順治二年獻賊據蜀所置僞官恣苛虐民競斬木揭竿執僞官投之水火或生磔之獻忿命將分剿兵到處望有煙即斬其將偏俾不忍盡殺多自經民皆束手以就斬割無或逃者蜀龜鑑

清順治初始取保寧順慶十四年取成都以降將曹勛鎮守有武臣無監司勛旋使其子昌祚據成都十六年始克之十七年巡撫司道皆自保寧移駐康熙十二年吳三桂併有蜀地二十年始收復分道設官灌縣隸屬川西道

## 灌縣志

卷十七 故實記

五

前志新采

清咸豐十年庚申春滇寇藍大順李短搭分道自叙府擾蜀夏六月初四日初守備何仕棠失守靈關藍寇遂犯邛州大邑二十四日據崇慶州之懷遠鎮初賊起灌縣令英棨與紳陳炳魁等謀禦寇請於川督舉辦團練以鄉紳董之河西檄委廣東知縣高溥河東檄委漕河知縣何汝源分地設局選丁訓練聲勢頗振寇擾街子場武舉任三元率衆禦之味江河設疑待寇寇莫測引退明日復禽其渠寇懼竄元通場團首徐守先嚴思賢率衆扼之永定橋斬戮甚衆寇擾上游偷渡夾攻守先等力戰陣亡死事者五十餘人寇遂據元通場二十六日英棨駐中興場派勇巡防觀音場遇寇擊之互有殺傷越日三元復與諸生孫玉藻監生萬景春父子率衆進擊戰於鴛鴦竹遇伏陣亡委紳何汝源派練渡江會剿七月朔參將馬旭林進營布金寺都司潘

某進營石佛寺初四日湘果軍黎得勝奇勝軍黎得亮參將吳家椿進營古家渡初五日寇分竄青龍塲吳國珍楊秉鈞馬鵬霄督練截擊練丁死數人初七日寇圍布金寺石佛寺敗走川督崇實恐搖根本檄鄂令李吉壽新繁令程祥棟會防宣家渡初八日監生衛柏齡帶團至合鄆繁彭崇溫灌團五千餘人由蔡家渡下達古家渡沿江二十餘里屯紮無間渡江擊寇者亦更迭不休時寇銳且衆川督責戰益急李吉壽偕委員丁芳蘭臨河激厲各練約會諸軍進剿衛柏齡首率二千餘人渡扼羅音寺期以二十四日軍團分道擊寇甫黎明諸軍未集柏齡與朝龍率衆先進直逼寇巢斬戮甚衆寇謀知孤軍四出環攻力竭陣亡死事者一百八十餘人日亭午諸勇練更番進戰日暮未休寇鋒大挫二十七日馬旭林復會諸軍練進擊直逼元通塲寇懼宵遁竄入丹稜九月初八日寇由雙流擦耳崖渡江上竄河汝源聞警調

## 灌縣志

卷十七 故實記

六

練扼走馬河各隘親率壯丁策應十八日寇竄張家橋團首傅懷松與其弟諸生鳴謙禦之皆遇難十九日寇破大石橋防練進薄金馬塲何汝源率練馳救被執不屈剜目割舌而死寇亦旋遁省城戒嚴崇實特調灌練駐防北關陳炳魁等上剿撫策批飭各營照辦

前志灌記

咸豐十一年春正月彭縣團首朱文詔別名二煽九衆作亂號聯封團恣擾彭崇鄆灌焚燒民舍邑令英燦訓練防守二月十一日川督崇實檄各軍由鄆進勦委員張示解散脅從并飭各州縣相機辦理勦撫兼施朱遂伏誅是年秋八月藍寇敗於緜州潰竄彭西謀襲灌城漏夜分道進北抵蒲陽塲東及架虹橋均爲防練所覺突起轟之遂遁擒寇數名搜獲攻具數事初五日寇焚崇義聚源土橋各塲村舍專意南趨濱河各團設防馬祖寺明日寇率大股涉淺渡江衆潰走寇據石羊塲及太平塲縱橫數十里皆寇鄉民多

入山者寇覬覦之浪擾諸山團首徐開龍率衆扼牌坊岡當寇入山門戶寇誘降怒罵之寇以他隊暗襲其後復以悍黨前衝腹背受敵開龍戰死川督駱秉璋聞報飛檄湘軍提督胡中和等星夜躡追初九日進營宣家渡初九日湘軍以練爲嚮導分道進攻北由馬祖寺東自鍾靈橋轉戰數里殺戮盈野寇敗焚其巢狂奔太平場兵練皆大捷邑令辛本樞收寇屍三千餘瘞之寇創甚越日合竄川南自是屢經官軍逐北窮竄陝西矣

灌記前志新采

清同治元年春三月散勇生變由新津溫邨竄據邑東崇義場成都水利同知吳寶林邑令辛本樞調練會剿叛勇夜遁官兵禽斬之秋九月二十三日太平餘黨張啟才等突至柳街場灌縣崇慶州團練夾攻之匪焚場夜遁竄入崇慶白雲菴山中殲焉

灌縣志

其軍師某縊寺內題詩壁間有怪石有形龍已

去落花無主鳥空啼句云

## 灌縣志

卷十七

故實記

七

同治二年春三月初四日太平餘黨賴剝皮以石達開前鋒萬餘人由川南突竄石羊場星夜奔馳勢如風雨迨調練剿之已無及矣

灌縣志

同治十三年夏六月初九日妖人李三少余道士結山匪爲亂夜焚太平場中興場各村舍先是李余往來溫彭崇灌間棲止寺觀以照光拜鏡象勇各術煽惑愚民復假鬼神談隱秘人多信之不逞者因附焉初聚懷遠鎮山中事洩於官殲厥渠謀遂寢俄而十百爲羣結茅趙公山晝伏夜動行劫鄉閭執政諱之至是遂亂乘夜出巢期者弗應天明復退入山初十日團練同汎弁擊之登尖頂山擒戮有差連日俱捷川督吳棠聞警飛檄參將范繼先率數百人入山由青雲營漩口水磨溝拊其背以游擊費三春等率數百由玉堂太平二場扼其吭虎威軍繼後復調河西團練會剿河東團練策應並檄水利同知胡圻署縣事乘賊心未固疾擊窮搜匪遂殄又有胡某者佚其名

鄉人稱曰官府與李余相狼狽陰結徒黨約期舉事放火爲號期前一日適城太平街失火傳望見之謂已先響應遂率黨自太平場起沿路焚民宅光焰燭天時承平久民不知兵多逃避至中興場天已曙傳自顧徒衆僅數十知事敗遂遁入望坡崖俗名王婆崖其妻以負子故未能從徊徘徊河上鄉人銜恨擲其子於河並縛婦擲之漂流數里起猶無恙乃鑽殺之緩死待戮亦大人

奇也

灌記

清光緒二十四年冬十有二月二十二日有壽字營兵因事來灌時私鹽充塞官引停滯鹽商會某陰飭兵以利使向太平場彈壓兵甫至場鹽梟楊某梁某卽號召其徒操刃相逐兵以未奉調遣不敢抗退至場外河壩私販勢洶洶刀捧並起更有助虐者亂石交投斃兵數人變起倉卒居民大恐地方首人罔知所措明年春正月大府檄華陽令張繼率兵至邑令何念慈秉公

## 灌縣志

卷十七 故實記

八

會辦不累良民斬亂首而案遂結新采

光緒二十七年秋九月邑中莠民假紅燈教餘焰恣煽惑明年冬十月劫崇義場教堂汎弁官青雲與堂勇管帶許憲烈擊之及於溫江東嶽廟匪方飯踰垣而出赤體死鬪丁勇敢退匪竄河西馬祖寺無賴多附之忽成都知府劉心源率隊至匪出不意獲十餘人戮之遂滅跡是役也實會匪吳直三等謀亂其初嘯聚溫江清水浩官軍擊之由郫縣竄擾崇義場與灌匪合旋至土橋場拒捕汎弁幾遇害復竄河西檄鄉團會剿始肅清新采

清宣統三年夏六月四川爭路事起省城罷市各縣多響應集衆爲同志軍崇慶州汎馬某率千人駐中興場旋引去灌縣之首難者亦乘時起張澤宣等率團丁至犀浦場爲巡防軍所敗張熙等乃招聚多人集中縣治號大營各鄉亦自成隊環駐城外相犄角槍械旗幟互異籌餉尤不等獄中罪囚皆



釋放胥役則斬殺無遺知縣劉光斗見大事已去姑與委蛇集社結盟應接不暇時省軍上逼諸首領乃東移與角逐於郫崇間互有勝敗同志軍雖乏紀律然首事者頗具俠性秩序尙能維持惟行旅之死於間諜嫌疑者往往有焉八月太平街有曾濫龍者率黨進城公私皆被其擾並劫去縣印搶奪之風至此始九月省遣陸軍西上從北關傅城射擊彈密如雨內外相持已而豬市街被焚械鈍不支東門突爲所破諸首領已先去得免於難劉籍同志諸姓名欲以洩前忿俄而報至則五千年之帝制告終民國肇建省垣已於冬十月易幟矣於是諸首領赴成都受編制而各鄉之附驥者頗設局理民事迨軍政府所遣之宣慰使出始稍就範時首領中有申价藩者歷膺要職於地方紛攘之際多所調護云

新采

民國四年總統袁世凱謀稱帝蔡鍔等發難於滇號護法軍明年入蜀所在

## 灌縣志

### 卷十七 故實紀

九

響應楊維據灌縣稱師長設部籌款民力重困望屋而食幾徧兩河而崇義鄉尤甚夏秋之間成武將軍陳宦東去周駿西來楊維始離灌赴成都然自是南北分裂蜀無寧歲灌在蜀西可以負隅防區制成競相攫奪時陳澤沛在灌城滇軍突入提其械焉民國六年護國軍起申价藩首應之吳慶熙等復至灌金馬鄉深受其擾主客兩軍幾破裂价藩和解之已而王維綱程發貴等先後駐灌剝膚敲髓巷戰迭起於城就中惟何疇頗恤民隱民國九年劉存厚能克武等逐滇軍部隊紛起張華封至灌城其旅長鄭世斌遂久於灌初至月餉尙微逐年遞加民怨騰沸至煙苗軍米之橫征人民鬻及鷄豚甚有自殺者未幾川戰復起江防軍西來蕭維斌代鄭被偪去而所餘之苛捐已爲先至之羅旅所有兩部相持形勢岌岌久之始解時民國十四年冬

十月也

新采

民國十五年江防鄧旅駐灌旋改師每月伙餉雜捐追呼不息秋七月金馬鄉因他匪劫款傷斃委員駐軍楊參謀同蘇知事往勘誤殺民團徐國乾劉文貴夏代安三人並責賠償命價與款受創既深冤憤尤切東西河團衆聞之皆怒漸有決裂之勢冬十二月伙餉益煎迫拘團正鎖甲長於是羣思自救而大禍成矣初發難由金馬鄉民困誅求復積前釁槍斃提款委員四處響應各場委員懼轉求保護軍團互相戒備日久不決

民國十六年春二月鄆民因負擔過重激成軍團惡戰灌軍往援至花園場被團圍困繳械二連灌之河東民團遂於二十八日圍城礮聲隆隆越一晝夜河西民團亦響應鄰援日增駐軍憑城堅守詰朝李旅長德發率連槍隊數百人突從北門出戰又以機關槍從南門轟擊民團以利器不敵始散走計團丁死者十餘人都江堰工役誤死者數人居民中流彈死者且百人無

## 灌縣志

卷十七 故實紀

十一

辜被虜者六七十人弁兵亦頗有傷亡焉三月初一日民團既退駐軍四出搜括附城數里居民橫罹鋒刃復張示斥團爲匪羣情愈激又因餉路斷絕遂拘城內富室於縣署迫籌一萬七千餘元在城法團機關急謀調解而西河津渡已絕消息不通無從措手乃推選數人赴東西河向各團總正訛真象並將軍民構難情形郵達省城駐軍長官請親臨解決各有回函慰藉初三日鄉鎮亦飛函至略具數條一伙餉照民國十四年會議每月額定數千元二裁清鄉費及一切雜捐三軍隊不得自行下鄉收款法團等急持函向總師兩部代請願並請釋被虜人時革命風潮正烈省縣皆組黨部鄧師長適回防遂首肯方派人四出交涉而鄆城被民團圍擊請援鄧令李旅急赴沿途未及知會民團隨地要擊李旅至崇義場適團練局長宋開亮率隊駐此軍團誤會益衝突李遂縱掠以洩憤槍聲徹夜黎明更焚茅屋數椽以示

威焉當時城內外隔閡至解決後方悉顛末云

三月初六日宋開亮召集十區團總正會議分舉代表赴省呼籲會同旅省同鄉商辦法議出請願七條其重要者爲換防與都江堰毀堰決水應負責任兩條十一日向總部要求俯順輿情經黃總司令容納過半討論既久未悉承認各代表鈔認否各條寄縣十三日團練局商之羣衆尙有不滿經旅省同人反覆譬曉始無異言十八日又派人助代表與政府妥協簽字誓無反汗軍團始各解嚴然自是劣幣充斥幣賤物昂又漸預征而團練局交代久延民國十七年春三月派兵解決軍團衝突於柳街場居民團丁死數十人更以盜賊縱橫軍或留駐信誓成具文矣<sup>新采</sup>

民國二十年理番黑水夷爲亂屢劫商旅妨礙川西屯政二十八軍部令駐灌旅長龔渭清出師征之直擣其巢夷猶反覆明年夏始赴軍部納款<sup>新采</sup>

## 灌縣志

卷十七 故實紀 十一

民國二十年九月倭犯東省張學良引退惟馬占山及民軍抗之羣情憤激縣中亦組義勇軍爲聲援二十一年四月倭犯上海十九路軍蔣光鼐蔡廷楷力禦之屢挫敵邑人匯款以助功敗垂成國難未已<sup>新采</sup>

縣西北多山東南則河流紛歧盜每藪焉世當承平風土清淑伏莽斂跡亂則資以爲利政變以來盜賊公行甚於疇昔魚肉良善視爲固然而鄰匪亦往往乘之罄竹難書舉其較著者清末同治軍起有張某者介居崇灌間樹幟橫行悅良家子而強納之後以他事伏辜有王春廷者蒲陽鄉人初爲耕傭後棄所業流爲寇民國五年春王率黨從北關梯城入時甫黎明居民皆未啓戶無從劫略被駐軍及保安隊擊退擒數人斃數人王亦尋以誅死尹瞎子者居金馬鄉虎而冠民國十年知事敖向榮擒戮之沒其產過半石羊場蕭瑞生者其先米販也繼乃殺人越貨戕害民團隊長萬斯年勢益橫劉

存厚過此蕭從至水磨溝投懋屬清鄉軍而野心終不戢民國十年爲鄭旅黃營長所誘殺朱青山者柳街場劇盜也案積如鱗既害民團隊長鄭克成團正王言綸後自知不免乃挾地方首人請於官願捕匪贖罪已而益橫恣鄉人深以爲患乃與駐軍連長席正元密謀誅之時民國十一年五月也席善治匪人爲立去思碑翊年溫江楊葆初率隊經縣境尙無大擾崇寧馬某者以拉肥爲事土橋場沿河多其巢窟竹瓦鋪上下官道亦成畏途民國十四年春三月爲鄭旅營長陳驥所擊潰旋由中興場遁去不知所終民國十五年春縣議員王衡中自柳街場歸被匪狙擊以死民國十七年春二月初七日團總羅鴻聲在崇義場茶社爲匪所害蓋因公結怨死於睚眦邑人寃之冬十月駐軍在此捕匪又誤斃數人自時厥後匪警頻仍其通匪之隊區長亦先後伏誅

新采

## 灌縣志

### 卷十七 故實紀

#### 十二

灌人之枉死於外者清光緒庚子秋八月崇慶州盜劫藥商六白金五郎廟團正以七人聞州牧陳兆棠罰之懲其疏於游徼也翊日有無賴七忽至街子場與婦人忿爭不已團正慮罰遣急足馳告兆棠委汎弁跡之遇八人於市語言支吾疑即五郎廟賊逸其一縛七人歸尸於市既諸家屬聞信至已無及始悉死者爲灌屬石羊場人吳兆熊因被劫約人潛跡賊縱由都統厓越山至此猝遭此變後訟於大府卒不獲直

崇慶縣志

宣統三年秋七月同志軍

起呼嘯成羣三陽鎮有周文平者率鄉丁至溫江縣之文家場爲防軍所擊傷旋死其橫死於兵禍者民國五年護國之役川戰方激崇義場有鄔氏子傭工鄉間北兵誣爲間牒執至邨城而戮之十四年駐軍排長某以惡幣偪商人易善價不從則斃之瘞尸東瀛馬路側衆憤而罷市某因伏誅十五年夏五月二十六日有兵向河中分水椿射擊誤斃鎖龍橋商人兵逸去長官

郵以金殆視人命爲兒戲焉新采

軍興以來縣多盜患自曾濫龍擾城後影響遂及於鄉民國不綱小人道長由是崇義聚源石羊柳街玉堂蒲陽諸市鎮先後被劫且屢傷十七年夏四月二十四日匪復劫縣治太平街冬十月又劫朱紫街及河街損失殆以萬計其他庸人勒贖掠財焚舍者時有所聞積案日多官既視爲尋常民或不復報案練團自救賢者易招匪禍不肖乃與匪通駐軍出巡則清鄉有費以視平世之竊牛入室動成巨案者相去遠矣二十一年六月匪於西關外劫學生三人去縣長張希鑾督四境團隊偵緝獲要匪數人學生皆脫險新采右軍事積民成邑積邑成國國家敷政皆以爲民範圍廣矣而自地方言之則尤以切於自治者爲要蓋關係羣衆治安爲民生休戚之所託也自漢設鄉官歷代沿襲稱名互異所職略同政體變更其道不廢果能名符其實亦未必無

## 灌縣志

卷十七 故實紀

十三

裨於官政之所以養民教民者耳

漢景帝時文翁建學官成都市中選下縣子弟入學待以右職江源綿虎郫諸縣隸蜀郡而灌境屬之季漢以來始立縣代有聞人隨仁壽元年詔廢州縣學宋慶曆四年詔州縣立學州給田十頃爲學糧明州縣學給廩食歲當大比間收一二異敏童生與諸生一體入場爲之充場儒士卽清以例監入闈之濫觴也學田原以振貧士清乾隆十年定例學臣按臨三日卽逐名面振學官册報後不復舉惟書院月課擇尤酌給膏火舉人北上略有公車費灌縣則就孔廟常款籌撥焉縣署九房嚮應繳科場膳錄銀若干兩泥木等行應助錢若干緡頭目浮收難滿慾望掄才之典轉以厲民今日辦學之附加稅殆肇端於此而川省學生之貸費與考察費亦同前此之津貼寒士惟考察費徒擲虛牝今幸通令停止矣

漢書循吏傳 明史選舉志  
文獻通考 清通考 新采

宋熙寧間四川諸州商稅歲額蜀州八務

務猶所也

彭州八務永康五務二十萬

貫以上紹興四年起四川布估錢初成都崇慶府彭漢邛州永康軍六郡自

天聖間官以三百錢市布一疋民甚便之後不復予錢至是令民間每疋輸

估錢三引慶元初復減其一

每引直鐵錢五百  
鐵錢十當銅錢一

按征商之法代有輕重其最繁擾

奉行者無過於清季之百貨釐金分設局所民國雖有裁釐明令而地方之

者頗少縣境有成都關稅局始於民國五年

宋史文獻  
通考新采

宋紹興十七年省四川清酒務監官按權酷始於漢武帝歷代沿之清季更

課菸稅民國遂有菸酒事務監察所與禁煙督察處云

漢書宋史  
並詳掌故

清順治十六年成都州縣始設官

蜀龜鑑

知灌縣事馬璣於十八年始到任時

地荒民稀謂之插占其後來者略餽禮物即以所插地相割讓欽使巡察州

縣以灌僻左多山定賦較輕歲徵銀不過數百兩康熙以後始遞加矣道光

# 灌縣志

卷十七 故實紀

十四

間大吏委員至灌邑令周因培陳述地方瘠苦得免重徵

新采

清光緒三年四川總督丁寶楨大修河工需費十餘萬金最著者為新工太

平諸魚嘴正南江西岸築隄長五里自學地訖壩九角籠十四年李秀山委

員在鳳凰山開金廠設局於上元宮甚騷擾鄉人糾衆毀之

新采

清光緒間新政初舉二十四年設昭信股票局三十一年設鐵路公司分局

農政局三十三年設官膏局三十四年設經徵局自治局因利公所舉諮議

局議員宣統元年售婚嫁書發煙籍簿設城鎮鄉議會按清末宣布憲政次

第推行寢有刷新之氣象此其大略也

崇慶縣志  
新采

清光緒三十四年設習藝所酌提廟田為經費而助以附加諸款有管理員

二收學徒數十人外附罪犯教以淺近藝術暇則誨以識字民國初更名貧

民教養工廠惟當事頗難其人迭有虧耗勢將歇業十九年乃以餘款改辦

明明發電廠而招股以足之新采

清時傳遞公文專恃塘鋪縣屬以永康驛為中心在縣署側其民立信局多駐成

都可通至灌俗稱大幫信光緒季年講求新政始有郵政代辦隸省城郵政

總局嗣設二等郵局民國仍之今則東西兩河諸場較大者皆有代辦處郵

政所及按期弗爽人咸樂用成績昭然如不受外人支配而能秉公去私則

流幣永絕也新采

清宣統元年灌縣成立農務分會奉四川勸業道通令所設也三年易名農

業分會民國二年奉農商部令修改會章易名為灌縣農會入會例繳基金

一圓其常年經費則有附加稅若干圓南關外劃地十餘畝拓為苗圃及試

驗場惜會員多非農人於農事殊少經驗嗣又有所謂農民協會者與此歧

出尙無機關之可言新采

## 灌縣志

### 卷十七 故實紀

### 十五

農務分會成立時並附設蠶桑傳習所民國四年改為蠶務所所長由省蠶

務局委任別立機關並撥農會經常費為專款按農會附加稅歲約七百圓所費撥去四百餘圓七年改為

實業所款亦遞增十五年改局局長由實業廳委任十九年更名建設局隸

縣政府歲入三千餘圓範圍漸廣然名不符實賢者循例點綴不肖者徒削

細民欲收成效且俟將來新采

清宣統元年創設商務分會民國二年易名灌縣商會於法團中組織較為

完備歲需經費皆自商人籌集附設商事公斷處有所爭執輒排解之不必

定涉公庭也軍興以來困於借墊苛捐未撤物價日昂雖巧者善於乘時而

贏少絀多生計亦悴新采

清末變法始言自治民國元年奉省令成立縣會灌屬選舉民數依法得二

十七人開會投票選定議長及參事會員以岷江書院為議場經費在契底

及附加稅劃撥正議長歲得百四十圓副議長百二十圓參事會員各八十圓議員則以開會列席照算每日五角軍用票爲地方害縣會與知事抗爭正議長申之瀚辭職副議長柳紹莊先已宦游曾光沂遞補正議長劉孝先副之未幾帝制發生縣會停辦七年十二月又奉文恢復時曾物故劉遞補正議長李大中副之議場爲軍隊所駐乃暫假商會開議一次繼移住教養工廠餘室而縣會舊地則借與紅十字會保存歷年既久職員凋謝復於十四年補足法定人數維時劣幣充斥徒換奈何不復如前此之糾正軍用票矣十六年縣黨部成立接收縣會經費而擴充之會遂告終黨部迭經改組四鄉亦設支部十七年實行考試登記者多歸淘汰更名黨務指導委員會額定七人幹事若干人每遇事變或紀念日均有所表示云新采

民國二十三年省立工會四年奉省令歸併商會十年恢復十九年復改組

人亦競自集會順應潮流將來或有進步也

新采

民國初縣屬汎署塘舖皆售自十五年以來城壩餘地及行臺典史衙門與五桂橋之河身報恩寺之菜圃亦先後鬻去報恩寺者相傳清初有僧住持僧朝南海託人代理及歸而失其業栖託土什寺以死馬桑河實三泊洞之泮水缺城中水患賴以消洩今忽變爲市場過其地者有滄桑之感焉十九年清理官公廟產二十年復清理遺漏於是神田廟會及公共財團皆盡廟無所事今已改委員制其稍進歟新采

民國初縣屬汎署塘舖皆售自十五年以來城壩餘地及行臺典史衙門與五桂橋之河身報恩寺之菜圃亦先後鬻去報恩寺者相傳清初有僧住持僧朝南海託人代理及歸而失其業栖託土什寺以死馬桑河實三泊洞之泮水缺城中水患賴以消洩今忽變爲市場過其地者有滄桑之感焉十九年清理官公廟產二十年復清理遺漏於是神田廟會及公共財團皆盡廟



廟基亦往往變爲民宅拓爲田疇今昔異觀矣新采

公地因時局變遷寔有忘其所自來而失前人之用意者東街三汭洞橋側

即古將軍橋見宋元河渠志嚮留一隙爲街民汲水處消防亦利賴之今則構室爲市塵而汲

水於大官街以致沮洳難行玉屏山森林有斬伐而無培植百年喬木既經摧殘廝役且墾地樹穀視爲已有當事三年瓜代無禁阻者行將不免於濯濯邵江如太平堰等處嚮堆淘河沙石漸被侵削甚至礙及河身此關於水之利害尤宜措意者也新采

民國六年灌縣創立中國紅十字分會先是清光緒三十年日俄在我遼東激戰中外人民慘罹兵厄沈敦和商於各國領事始立萬國紅十字會於上海沈任會長救護難民散放急賑三十二年在瑞士保和會簽押日來弗紅十字會條約明年改名大清紅十字會宣統三年更名中國紅十字會民國

## 灌縣志

卷十七 故實紀 十七

元年始加入瑞士萬國紅十字聯合會設總會於北京總辦事處於上海五年邑人吳錫彝赴成都適劉戴交鬪巷戰旬日危城震駭出險無從幸獲新津分會會員方澤引渡得脫於難明年六月吳邀紳耆組臨時分會於縣城萬壽宮由新津分會介紹經總辦事處頒發印旗圖記即於十二月二十九日正式成立選張開仕爲理事長吳副之第二屆張以年邁辭職選吳爲理事長張光心副之第三屆吳因病辭職選王自瑩爲理事長董韶副之時爲民國八年王陳爭防城中巷戰市民逃避不及引渡出險約千餘人軍民傷者尤衆會所醫院湫隘難容遷住舊岷江書院將傷者醫愈費遣此院久廢棟折牆圯即由會員捐款修葺第四屆照章改理事長爲分會長選張璧光爲分會長張祥福爲理事長第五屆改分會長爲會長張璧光被選連任董韶副之第六屆張復連任李時彥副之董敏材爲理事長時民國十九年會

中所有廟會捐入之田產被當道提去經費益絀茲第七屆選馬龍章爲會長馮孝友張光心張連棻副之所有應辦事項多賴捐資維繫云新采

民國六年成立財政收支所九年改警團收支所十年改地方稅收支所此亦財賦之總匯蓋自變法以來百端具舉靡不需財而禁網牛毛廣立名目新舊附加日增無已受款機關已不在少數果能有濟則民力雖悴猶可原也然時方多故外既擾於意外之兵差內更紊其規定之手續牽蘿補屋弊竇叢生十九年改隸財政局更名第三課二十一年第二十八軍部令防區各縣團學及機關法團經費皆統收統支由財政局第三課辦理凡領款者以縣政府支款單爲憑新采

民國初改經徵局爲徵收局專收國稅十九年改財政局並分課管地方稅局隸縣政府至教育局詳教育表公安局詳保衛書皆有專篇述之不復贅新采

## 灌縣志

### 卷十七

### 故實紀

### 十八

民國八年縣治始設電報局下達成都上達松潘其電話亦如之十八年鄉村電話成立周於四境且遠通彭崇溫郫新采右

贊曰古今治亂若循環民生之慘舒恆隨世運之升降豈獨吾灌爲然哉况灌巖邑也一隅有警在所必爭山澤錯綜尤易伏莽蓋數見不鮮矣臨民者富之教之未始不可以爲政若徒粉飾新猷不惜多方徵取欲其蘇息能乎陳蹟具在爲臚列之俾來者有所鑑焉